




Didaktika eleaniztunaren inguruko formakuntza dispositibo desberdinak



03.Jul 2026

Cod. H12-26

Mod.:

Streaming Face-to-face

Edition

2026

Activity type

Summer course

Date

03.Jul 2026

Location

Cité des Arts. Baiona

Languages

Basque French

Academic Validity

10 hours

Organising Committee



Fundación
BBVA



Description

Mugaz gaindiko Uda Ikastaro honek didaktika eleaniztunaren inguruan garatzen diren formakuntza-dispositibo desberdinak aztertzea eta balioan jartzea du xede.

Interreg POCTEFA AFOMEF-HEZHI proiektuaren baitan kokatzen da. HEZHI proiektuaren helburu nagusia da lurraldeko hizkuntzen irakaskuntza eta ikaskuntza sustatzea, hizkuntza-oztopoak murriztuz eta, horren bidez, mugaz gaindiko lankidetzak, mugikortasuna eta gizarte-integrazioa erraztea.

Abiapuntutzat hartzen da hizkuntza-aniztasuna lurraldearen ezaugarri estrukturala dela. Euskara, frantsesa eta gaztelania testuinguru soziolinguistiko, instituzional eta didaktiko oso desberdinetan irakasten dira Euroeskualdean, eta horrek irakasleen formakuntza, praktika pedagogikoak eta ebaluazio-ereduak baldintzatzen ditu. Egoera horrek agerian uzten du didaktika eleaniztuneko formakuntza espezifiko, egituratu eta testuinguruetara egokitua eskaintzeko beharra.

Uda Ikastaroak formakuntza-dispositiboen aniztasuna izango du ardatz: hasierako eta etengabeko irakasle-formakuntza, prestakuntza instituzionalak, unibertsitateko ikastaroak, sare profesionalak, eta esperientzia formal zein ez-formaletan oinarritutako dispositiboak. Ikuspegi teorikoak eta praktika errealak uztartuz, ikastaroak didaktika eleaniztuna lantzeko ikuspegi metodologikoak, tresnak eta estrategiak aurkeztuko ditu, bereziki ahozkoaren didaktika, didaktika integratua eta ebaluazio-praktikak ardatz hartuta.

Uda Ikastaroa hiru mahai-ingururen inguruan egituratzen da, didaktika eleaniztunaren funtsezko arloetan garatutako formakuntza-dispositibo desberdinak aztertzeko. Lehen mahai-inguruan, ahozkoaren didaktika eta haren dimentsio soziolinguistikoa landuko dira, irakasleen hasierako eta etengabeko formakuntzan ahozko gaitasuna garatzeko erabiltzen diren ikuspegiak, tresnak eta estrategiak aztertuz. Bigarren mahai-inguruak didaktika integratua izango du ardatz, arlo ez-linguistikoaren bidez hizkuntzak irakasteko irakasleen formakuntza-ereduak eta prestakuntza-dispositiboak aztertuz. Azkenik, hirugarren mahai-inguruan hezkuntza eleaniztuneko ebaluazio-praktikak jorratuko dira, ebaluazio-irizpideak, tresnak eta horien inguruko formakuntza-ereduak aztertuz, hizkuntza-gaitasunak eta eduki akademikoak modu koherentean uztartzeko. Arratsaldeko saioan, irakasleei zuzendutako tailer praktikoa bat eskainiko da, didaktika eleaniztuna ikasgelan aplikatzeko dispositibo pedagogiko zehatzak lantzeko. Goizeko mahai-inguruetan aurkeztutako ikuspegiak oinarri hartuta, parte-hartzaileek ahozkoaren didaktika, didaktika integratua eta ebaluazioa uztartzen dituzten jarduerak eta sekuentzia didaktikoak diseinatuko dituzte. Tailerrak esperientzia-trukea eta hausnarketa kolektiboa sustatuko ditu, irakasleek beren testuinguru profesionalen zuzenean aplikatzeko moduko tresnak eta estrategiak eskuratzea helburu.

Helburua lurraldeko eragileen arteko elkarrizketa sustatzea eta esperientzia transferigarriak identifikatzea da, hezkuntza-espazio eleaniztun koherenteago baten eraikuntzan laguntzeko.

Objectives

Hezkuntza eleaniztuneko modelo nagusiak ezagutzea: lurraldean indarrean diren ereduak eta esperientziak aurkeztea, haien oinarri teorikoak, antolaketa-ereduak eta testuinguru soziolinguistikoak kontuan hartuta.

Hezkuntza eleaniztunari buruzko formazioa eskaintzea: Irakaskuntza-praktikan erabilgarriak diren ikuspegiak eta tresnak eskaintzea, bereziki ahozkoaren didaktika, hizkuntzaren eta gizarte-testuinguruaren arteko harremana, didaktika integratua, eta ebaluazio-praktika eleaniztunak.

Eragileen arteko elkarrizketa eta sare-lana sustatzea: Unibertsitatea, administrazio publikoa eta hezkuntza-eragileak harremanetan jarriz, esperientzien trukea eta etorkizuneko lankidetzak bultzatzea.

In collaboration with

Directed by



Marie Heguy-Urain

Euroregion Nueva-Aquitania Euskadi Navarra

Registration fees

FACE-TO-FACE

UNTIL 03-07-2026

[Cross-border Summer Courses](#)

0 EUR

LIVE ONLINE

UNTIL 03-07-2026

[Cross-border Summer Courses](#)

0 EUR

Place

Aquitaine